

漢魏六朝百三家集

陸清河集卷之二

晉吳郡陸
雲著

明太倉張
溥閱

詩

大將軍宴會被命作詩

六章

皇皇帝祐誕隆駿命四祖正家天祿保定獻哲
惟晉世有明聖如彼日月萬景攸正

巍巍明聖道隆自天則明分爽觀象洞玄陵風
叫紀絕輝照淵肅雍往播福祿來臻

在昔奸臣稱亂，紫微神風潛駭，有赫茲威，靈旗
樹旆，如電斯揮，致天之屈，于河之沂，有命再集，
皇輿凱歸。
頽綱旣振，品物咸秩，神道見素，遺華反質，辰晷
重光，協風應律，函夏無塵，海外有謚。

芒芒宇宙，天地交泰，王在華堂，式宴嘉會，立暉
峻朗，翠雲崇藹，冕弁振纓，藻服五臣作火垂帶。

祁祁臣僚，有來雍雍，薄言載考，承顏下風，俯覲
嘉客，仰瞻玉容，施已唯約，于禮斯豐，天錫難老。

如岳之崇

征西大將軍京陵王公會射堂皇太子見

命作此詩

六章

芒芒太極玄化
烱烱頽形成器
凌象垂文大鈞
造物庶類群分
先識經始寔綜
彝倫

惟嶽隆周生甫
及申天鑒在晉
祚之降神邈矣
遐風茂德有鄰
永言配命唯晉
之鎮

厥鎮伊何實幹
心膂文教內輔
武功外禦淮方
未靖帝曰攸序
公于出征奄有
南浦

南海旣賓爰戢干戈桃林釋駕天馬婆娑象齒
南金來格皇家絕音協徽宇宙告和

玄綱峻極天罔旣絃文武方升允茲兼弘峩峩
高夏有肅其涼公侯戾止駉驥龍驤善問如林
在會鏘鏘

祝融御節火正緝熙凱風徘徊萬物欣時秩秩
初筵薄言在茲嘉福介祐萬壽無期

太尉王公以九錫命大將軍讓公將還京

邑祖餞贈此詩

六章

烈文辟公時惟哲王。闡縱絕期。平顯幽光。內實
慎徽。緝熙有藏。出糺方慝。間督不揚。高山峻極。
天造茫茫。

天子念功。大典光備。肅肅王命。宰臣蒞事。穆矣
淵讓。遺功遂志。思我遠猷。徽音孰嗣。
后命既靈。王人返旆。興言出祖。飲餞于邁。旂旐
泱泱。輶軒藹藹。和風弭塵。清暉映蓋。

思樂中陵。言觀其川。公王戾止。有車鑾鑾。伊誰
云饗。我有嘉賓。羽觴舉酬。酢爾征人。

悠悠征人四牡駢駢發軫北京振策紫微昔乃
云來春林方輝歲亦暮止之子言歸道途興戀
伏載稱徽

聖澤旣渥嘉會愔愔庭旅鐘鼓堂有琴瑟飛轡
清暉扶桑移蔭視景祗慕揮袂沾襟變彼同栢
悲爾異林我有旨酒以歌以吟

大安二年夏四月大將軍出祖王羊二公

於城南堂皇被命作此詩

六章

時文唯晉天祚有祥聖宰作弼受言旣臧有赫

期庸勲格昊蒼景物台暉棟隆玉堂
惟常思庸大興光迪聖敬遠躋神道立邈思媚
三靈誕膺天篤嘉命旣辱王人言告
翼翼王人言告惟慕公輿駕言乃眷斯顧華旂
飛藻鳴鸞振路駢駢駟牡噓天載步
我有高夏如雲斯蒼雕軒戾止薄言嘉會問誰
在宴惟俊惟乂豐俎殷薦獻酬交泰
攸攸昊天南正興言朱明有晔萬葉翠繁昌雲
垂天凱風熙顏王臣在此貽宴于懽

懸象西頽，虞淵納景。嘉樂未晞，嚴駕已整。行矣
征人，身乖路永。飛驂顧懷，華蟬引領。遺思北京，
結轡臺省。

從事中郎張彥明爲中護軍

六章

思文有聖，叡哲配天。功濟生黎，道合上玄。休命
發揮，有集惟賢。哲彼寤宿，澄此在淵。

濟濟多士，實播令聞。王曰次哉，余嘉乃勲。徽音
孔碩，惠爾風雲。穆此芳烈，肇揚清芬。
肅肅庶僚，衮服寵暉。肇被桃蟲，假翼翻飛。出撫

邦家入翔紫微有命旣集願言永遠

思樂華堂雲構崇基公王有酒薄言饗之景曜
徽芒芳風詠時宴爾賓儉具樂于茲

亶亶我王豐恩允臧我客戾止飲酒公堂自彼
下僚聿來有光悲矣永言指途逝將形違殿闔
景附華房

開國承家勿用小人今我聖宰實蕃斯仁凌淵
龍躍披林鳳振正直旣好嘉禮式陳振我遠德
歸于時民

贈汲郡太守

八章有序

奚世都爲汲郡太守客將之官大將軍崇賢
之德旣遠而厚下之恩又隆非此離析有感
聖皇旣蒙引見又宴于後園感鹿鳴之宴樂
詠魚藻之凱歌而作是詩

於穆皇晉豪彥實蕃天網振維有聖貞觀鳴鳥
在林良駿卽閑萃彼俊乂時亮庶官

抑抑奚生天篤其淳芳穎蘭揮瓊光玉振沈機
照物妙思考神思我善問觀德古人

善問伊何、惠音孔韶、肇允衡門、翻飛宰朝、肅雍
芳林、芬響凌霄、穆矣和風、育爾清休、

亦既有試、出宰邦家、之于行民、固謳歌風、澄
俗儉化、靜世波芒、芒旣庶且樂于和、

我有好爵、旣成爾服、人贊崇華、遂登帷幄、時文
聖宰、天祚方穀、朔風徽止、鴻漸雲嶽、

悠悠斯民、三代直道、我求明德、惟奚攸考、緝熙
暉章、天祿來保、惠心無兢、豐化有造、

樂只君子、茂德攸綏、嗟我懷人、式是言歸、聿言

來集如翼斯揮日予不惠照爾清暉
職思既殊亦各有司念我同僚悲爾異事之子
之遠悠悠我思雖無贈之歌以言志

贈顧驃騎二首

有皇

八章有引

有皇美祈陽也祈陽秉文之士駿發其聲故
能明照有吳入顯乎晉國人美之故作是詩
焉。

有皇大晉時文憲章規天有光矩地無疆神篤

斯祐本顯克昌載生之雋實惟祈陽哲問宣猷
考茂其相
於鑠祈陽誕鐘天篤清輝龍見玄猷淵嘿沈機
響駭幽神廣覲和以同人歸物時育有大惡盈
謙以自牧思我懿範萬民來服

吳未喪師天秩有庸淵哉若人弱冠休風俯翼
黃門以德來忠端秀蕃后正色儲宮徽音鑠穎
邈矣遐蹤

皇惟南終舊邦匪歆委弁釋位如龍之潛考盤

窮谷假樂豐林。子雖藏器。鐘鼓有音。惠風往敬。
慶問來尋。

濟濟元公。相惟天子。明明辟王。思隆多士。帝曰。
欽哉。有命集止。我咨四方。令問在爾。以朕大賚。
乃膺嘉祉。聿來胥步。觀國之紀。

惟皇建極。緝熙清曜。我有俊民。明德來照。大觀
在上。王假有廟。顯允顧生。金聲玉振。之子于升。
利見大人。龍輝絕跡。有肅清塵。

清塵既彰。朝虛好爵。敬子侯度。慎徽百辟。予聞

有命得禮不易嗟我懷人瞻言永錫豐祐東法
惟子之績

遵汶涉泗言告同征勁風宵烈湛露朝零雲垂
藹下泉冽清冷哀哉行人感物傷情從子京邑
言觀厥成天保祚德式穀以甯

思文

八章有引

思文美祁陽也祁陽能明其德刑于寡妻以
至于家邦無思不服亦賴賢妃貞女以成其
內教故作是詩焉

思文祁陽祁陽克峻天錫純嘏宣茲義間德音
旣烈海外有奮旣奮斯音祇敬厥德昭治其家
覃及邦國永肇儀刑俾民惟則
文王在上太姒思齊魯侯克昌亦賴令妻鑒神
有顧蘋蘩在斯祁陽載天作之伉儷

在虞之胄實惟有姚頴艷玉秀華茂桃天居顯
祇明在靈格幽清塵熠爍淑心綢繆爰及祁陽
惟德之周

其德伊何和貞虔告師氏履素言謀慮度鐘鼓